



**Nasjonalparkstyret  
for Reinheimen**

**Postadresse**  
Postboks 987  
2604 LILLEHAMMER

**Besøksadresse**  
Norsk Fjellsenter,  
Brubakken 2, 2686 Lom  
Norsk Tindesenter  
Havnegata 2, 6300 Åndalsnes

**Kontakt**  
Sentralbord: +47 61 26 60 00  
Direkte: +47 61 26 62 05  
sfinpost@statsforvalteren.no  
<http://www.nasjonalparkstyre.no/reinheimen>

Svein Arne Olsen  
Solsidevegen 169  
2686 LOM

Saksbehandler Mari Melbø Rødstøl

Vår ref. 2021/8261-2 432.3

Dykkar ref.

Dato 11.08.2021

## **Delegert vedtak - Reinheimen NP - Dispensasjon - 2021 - 2025 - Oppsetting av lavvo i samband med villreinjakt - Svein Arne Olsen**

### **Delegert vedtak**

Med heimel i verneforskrift for Reinheimen nasjonalpark, § 3, pkt. 5.6, får Svein Arne Olsen dispensasjon til å plassere ein lavvo på Gråhøflye ved Skardådraget i Reinheimen nasjonalpark. Dispensasjon til oppsetting av lavvo gjeld for 3 år (2021 -2023)) under villreinjakta, normalt ca. 20 dagar frå midten av august til andre veka i september.

#### Dispensasjonen er gjeve med følgjande vilkår:

- Telta må ikkje plasserast i faste villreintrekk.
- Telta må plasserast lågt i terrenget og trekkast attende inn under ei stigning i terrenget, slik at dei ikkje kjem i silhuett mot horisonten.
- Etter bruk skal teltplassen ryddast, all søppel skal fraktast ut av nasjonalparken og teltplassen skal mest mogleg førast attende til slik den var før teltinga fann stad.
- Det skal ikkje byggast opp nye murar i terrenget, eller settast att utstyr på leirplassen. Nasjonalparkstyret for Reinheimen kan påleggje søkjar opprydding/fjerning av eventuelle murar, installasjonar mm på leirplassen, dersom dette ikkje er fjerna eller er til skade for landskapet og verneverdiane.

### **Klage:**

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.


### **Dokument i saka**

Søknad på e-post 26.07.2021 frå Svein Arne Olsen.  
Delegert vedtak 12.06.2018 i sak 2018/1304.

### **Søknaden:**

Svein Arne Olsen søker om å fornye sin dispensasjon for å ha ståande ein lavvo på Gråhøflye ved Skardådraget til bruk under villreinjakt i Reinheimen. Det vert søkt om dispensasjon for 5 nye år.

Kart som viser aktuell plassering av lavvo:



#### Søknaden er vurdert i samsvar med:

Forskrift for Reinheimen nasjonalpark, 24.11.2006.

Forvaltningsplan for Reinheimen, mars 2010.

Naturmangfaldlova, 19.06.2009.

#### Verneforskrift og verneformål:

Omsynet til verneverdiane i området er vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1, 4 og 5 samt § 7, jf. § § 8-12.

Formålet med Reinheimen nasjonalpark er å ta vare på eit stort, samanhengande og villmarksprega fjellområde, eit høgfjellsøkosystem med eigenarta og variert biologisk mangfald. Området er eit sentralt leveområde til villreinstammen i Ottadalen nord. Det er også eit viktig referanseområde for forskning med ein aust-vest gradient, særprege geologiske førekomstar, vassdragsnatur og ikkje minst kulturminne. Tilgang til naturopplevingar og friluftsliv skal skje gjennom tradisjonell ferdsel med liten grad av teknisk tilrettelegging.

I verneforskrifta for Reinheimen nasjonalpark, § 3, pkt. 5.6, gjeld slike reglar for telting:

*«Telting utover ei veke på same stad krev særskilt løyve av forvaltningsstyresmakta. Dette gjeld ikkje vanlege vandretelt.»*

Telting står vidare omtalt i forvaltningsplan for Reinheimen s. 43 :

*«Retningslinene gjeld ikkje for bruk av vandretelt. Forvaltningsstyresmakta kan etter*



*søknad gje løyve til telting utover ei veke på same stad. Løyvet skal avgrensast, t.d. til jakttida for villrein, fiske- eller beitesesongen, og ikkje gje ei plassering som er til ulempe for verneverdiane og andre brukarar. Det skal elles setjast slike vilkår:*

*Telta må ikkje plasserast i faste villreintrekk.*

*Telta må plasserast lågt i terrenget og trekkast attende inn under ei stigning i terrenget, slik at dei ikkje kjem i silhuett mot horisonten.*

*Etter bruk skal teltplassen ryddast, all søppel skal fraktast ut av nasjonalparken og plassen førast mest mogleg attende til slik den var før teltinga fann stad.*

*Løyvet til telting skal i fyrste omgang berre gjevast for eitt år for å kunne følgje med i konsekvensane av bruken.»*

### **Vurdering:**

Det er lang tradisjon for etablering av telt/lavvo under villreinjakta i Reinheimen, spesielt i området ved Gråhø og Gråhøflyi. Det er ingen dokumentasjon for at telting i område er til skade for verneføremålet, eller til ulempe for andre brukarinteresser så lenge vilkåra blir halde. SNO og lokalt fjelloppsyn i området følgjer godt med under villreinjakta. Det har over fleire år vore etablert 3 faste teltleirar i området ved Gråhøflye under jakta. Sjølv om det ikkje har vore til ulempe eller skade, er det viktig å følgje med på utviklinga, og gje nødvendig informasjon til jegerane for å hindre unødige slitasje i området.

Kunnskapsgrunnlaget (NML §8) er godt dokumentert. Det er god oversikt over kva som kan påverke landskap, økosystem, naturtypar og artar gjennom overvaking av området. Bruken av området gjennom generasjonar, spesielt under villreinjakta, har også vore med å gjeve føringar for kva ferdsel ein kan gje løyve til. Det er ikkje dokumentert at telting har ført til problem som kan føre til irreversibel skade for dyrelivet under villreinjakta. Føre-var-prinsippet (nml §9) vert ikkje vurdert som nødvendig i denne saka. Tiltaka vil heller ikkje påverke miljøet i særleg negativ retning, da telting gjeld ei avgrensa periode. Påverknader på miljøet i området totalt sett er minimal, jf. økosystemtilnærming og samla belastning, nml. § 10. Miljøforsvarlege teknikkar og driftsmetodar (nml. § 12): Søkjaren har søkt om fornying av dispensasjon for å sette opp lavvo i tråd med dei retningslinene som gjeld i forvaltingsplanen. Overnatting i lavvo over ei tidsavgrensa periode under jakta er forsvarleg. Det blir lagt vekt på at vilkår i vedtaket som t.d plassering og opprydding mm, kan regulere tiltaket for å hindre skade på naturverdiane.

Det er søkt om å fornye fleirårig dispensasjon. Ut i frå retningslinjer i forvaltningsplana står det at det i fyrste omgang berre skal gjevast løyve for eitt år av gongen for å følgje med konsekvensane. Det har vore teltleir på same plassen i snart 20 år, og etter tidlegare samtale med lokalt SNO og fjell/jaktoppsyn i området, så har ikkje teltleiren i løpet av desse åra gjeve negative konsekvensar på verneverdiane. Ut i frå ei total vurdering og erfaringar med tidlegare praksis kan dispensasjon til telting under reinsjakta fornyast med 3 nye år, f.o.m. 2021 t.o.m 2023.

Med helsing

Mari Melbø Rødstøl  
nasjonalparkforvaltar



Etter våre rutinar er dette brevet godkjent og sendt utan underskrift

Kopi til:

Statsforvalteren i Innlandet

Postboks 987 2604 LILLEHAMMER

Kristine Sørli

Reinheimen-Breheimen villreinutval v/Knut

Granum

Statens Naturoppsyn v/Per Olav Haugen

Midtgard 2686 LOM

Lom kommune

Statens naturoppsyn v/Thomas Rødstøl